



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**D. Burchardi VVormaciensis Ecclesiae Episcopi,  
Decretorum Libri XX. ex Consiliis, & orthodoxoru[m]  
patru[m] Decretis, tum etiam diuersaru[m] nationum  
Synodis, ceu loci communes congesti, in quibus ...**

**Burchardus <Wormaciensis>**

**Parisiis, 1549**

De non præsumentis illicitis ordinationibus. cx.

**urn:nbn:de:hbz:466:1-10722**

*Ne episcopus precio corruptus alterius clericum ordinare præsumat. Cap. CVI.*

**O**Mnibus ministris ecclesiasticæ dignitatis interdicitur, ut nullus quocunque munere aut favore corruptus, clericum alterius parochiæ latentè ac furtiuè ad ordinationem subintroducere præsumat. Quod si fecerit, iuxta Chalcedonense decretum, is qui mediator extitit, si clericus est, proprio gradu decidat, si laicus aut monachus, anathematizetur.

*Ut episcopus clericos alterius parochiæ nullatenus ordinet. Cap. VII.*

**E**piscopus non constituat presbyteros aut diaconos alteri subiectos episcopo, nisi fortè cum consilio & voluntate ipsius. Si quis autem tale aliquid agere tentauerit, irrita sit eius ordinatio, & ipse coërceatur à synodo.

*Ut nullus episcopus in alterius episcopi parochia ad promotionem ministerij accedere præsumat. Cap. CVIII.*

**N**ullus episcopus ex alia prouincia audeat ad aliam transgredi, & ad promotionem ministerij aliquos in Ecclesiis ordinare, licèt consensum videantur præbere nonnulli, nisi literis tam Metropolitanis, quàm ceterorum, qui cum eo sunt, episcoporum rogatus adueniat, & sic ad actionem ordinationis accedat. Si verò nullo vocante inordinato more deproperet super aliquibus ordinationibus, & ecclesiasticis negociis ad eum non pertinentibus componendis: irrita quidem quæ ab eo geruntur existant. Ipse verò incompositi motus sui, & irrationabilis audaciæ subeat ultionem, ex hoc iam damnatus à sancto concilio.

*Ne episcopus alterius Ecclesiæ clericum audacter inuadere attentet. Cap. CX.*

**S**i quis episcopus clericum ad alium pertinentem audacter inuadere, & in sua Ecclesia ordinare tentauerit, non consentiente episcopo à quo discessit, is qui regulæ mæcipatur, ordinatio huiusmodi irrita comprobetur.

*De non præsumendis illicitis ordinationibus. Cap. CX. Ex epist.*

**R**elatio nos vestræ dilectionis instruxit, & gestorum series plenius intimauit. Gaudetium Offiniensis Ecclesiæ sacerdotem contra statuta canonum ac nostra præcepta ordinationes illicitas perpetrasse. Quarum illi totam penitus auferri præcipimus potestatem. Scripsimus enim ad

*Simplicii pap. misc. Egiptio, Florètio, & Seue. epis. ca. 1.*

D. BURCHARDI EPIS. VVORMAC.

Seuerum fratrem & coepiscopum nostrum, vt, si necesse fuerit, ipse in suprascripta Ecclesia, consideratis patrum regulis, hoc fungatur officio, quo ille abusus esse conuictus est: ita vt hi qui illicitè ab eodem sunt prouecti, ab ecclesiasticis ministeriis remoti sint.

*De episcopo caco, qui per presbyterum suum, presbyterum & diaconos duos ordinauerat. Cap. CXI.*

*Ex concil.  
Braga.  
cap. 5.*

**A**D cognitionem nostri examinis Gabrensis diaconi relatu peruenit de quibusdam ipsius Ecclesie clericis, quorum dum vnus ad presbyterij, duo ad Leuitarum ministerium consecrarentur, episcopus autem eorum oculorum dolore detentus, fertur manum suam super hos tantum posuisse, & presbyterum quendam illis contra ecclesiasticum ordinem benedictionem dedisse. Qui licet propter tantam presumptionis audaciam poterat accusatus iudicio presentis damnari, si adhuc in corpore positus, non fuisset mortis vocatione preuentus: sed quia iam ille examini diuino relictus est, humano iudicio accusari non potest: hi qui supersunt, & ab eo non consecrationis titulum, sed ignominiam potius eulogium perceperunt, ne sibi licentiam talis usurpatio faciat, decreuimus vt gradum sacerdotis, vel Leuitici ordinis quem peruersè adepti sunt depositi æquo iudicio abutatur. Tales enim merito iudicati sunt remouendi, quia prauè inuenti sunt constituti.

*Quòd non oporteat episcopum per pecuniam quempiam ordinare. Cap. CXII.*

*Ex concil.  
Chalced.  
Cap. 2.*

**S**I quis episcopus per pecuniam fecerit ordinationem, & sub precio redegerit spiritus sancti gratiam que non potest vendi, ordinaueritque per pecuniam episcopum, aut presbyterum, aut diaconum, vel quemlibet ex his qui connumerantur in clero: proprii gradus periculo subiacebit. & qui ordinatus est, nihil ex hac ordinatione proficiet, sed alienus sit à dignitate. Si quis verò mediator datis vel acceptis extiterit: si quidem clericus fuerit, proprio gradu decedat: si verò monachus, aut laicus, anathematizetur.

*Quòd munus etiam sit à lingua vitandum. Cap. CXIII.*

*Ex dictis  
Gregorii  
papæ.*

**S**Vnt nonnulli qui nummorum quidem præmia ex ordinatione non accipiunt, tamen sacros ordines pro humana gratia largiuntur. Hi nimirum quod gratis accipiunt,